

序

蓋聞輶軒問俗太史於以採
風因革異宜職方但期考信
而部居州次門類實繁考古
証今見聞不一惟遵法在於
率舊斯踵事可以增華夫莫

高匪山峻極而尊崇者為嵩
為岱有孚習坎奔騰而浩瀚
者若江若河雞鳴日觀有奇
峯名俱特著桃浪鯨波成巨
浸瀆則稱宗然碧岫青岩游
屐難誇小魯抑負舟利物濫

觴豈盡靈源粵考燕川舊為
原國星分角亢地屬懷而野
宿懸殊境界冀并縣始秦而
歷多析併漢晉名因沁軹舊
治堪稽隋唐邑號濟源今城
乃建顧其名而思其義稱謂

攸宜沛其澤而廣其施遐邇
胥賴蓄藏於天壇之谷莫能
溯所自来始見於太乙之池
未嘗見其盈竭伏流百里二
源湧出於原城匯作千倉獨
行直趨於渤海以故列為四

濟原縣志卷之三
三
瀆之一爵等諸侯因之崇以
歷代之封禪明祀典以為川
之效靈如有本原泉究皆
山之綿亘所為永撐地軸車
蓋聳如王屋日出見於夜分
天壇建自軒轅霞彩時垂倒

影左日精右月華銳凌霄漢
前華蓋後五斗列若屏展清
虛為第一洞天猥云小有御
愛實萬年虬翰久受榮封至
若太行迤邐而東趨勢如蜿
蜒大河紆迴而南繞不假隄

防沁水走龍蛇資其利者四
國邵原雄鎖鑰扼其要者重
關山川之勝概既多非徒以
供瞻眺風俗之敦龐近古尤
足以見人文爾乃地以人傳
於盧則有王泉於李則為盤

谷景因詩見傑作多於唐宋
雅歌數見元明名宦首重房
陳歷代循良接踵鄉賢不徒
徐傳

熙朝人望繁多忠孝乃間氣特
鍾寧必捐軀割股節義為清

時雅化允皆高行貞心戶益
丁增見

聖世生聚栽培之厚荒開糧擴
誠有司勸勤策惰之能堤防
渠道之必興非實政實心何
足以永資利益彰善癉惡之

俱實惟是乾是惕斯有以化
導愚頑凡茲舊乘敷陳罔不
採經而據傳况經前賢訂政
何妨挹彼以注茲第纂編在
仁廟之初年風土人情歷久已多
變易適檄飭奉

上憲之公牘紳衿士庶詢謀
遂爾僉同植學媿雕蟲才慚
積玉錢穀簿書之鹿々未便
搯觚風塵酬酢之紛々何從
搦管爰聘高賢於越右東陽
俊彥經笥素號便々
謂沈更

樗莊

求碩德於鄰封中立才華錦

字共欽灼

謂楊王政

經赤奮攝

提之寒暑為綱為紀牙籤早

已犀分迨執徐荒落之冬春

載校載讐梨棗爰開剖剗審

慎於公餘之暇而魯魚亥豕

之必嚴考核於節目之微而
參互考訂之期當沿革溯所
自始建置各按其時而疆域
山川瞭如指掌養民水利為
先造士學校為重而職官人
物燦若列星懿行重為表揚

未遺寒儉藝文摘其藻采不
掩英華所欣攻藉他山可析
疑而質信更賴邦多君子資
博採而旁搜方今

聖治日隆允矣時雍化洽况復

皇恩遠播休哉惠澤光昭

各憲體愛育之仁惟期實踐
有司任撫循之職豈尚虛文
則百里非遙利貴興而害貴
除寧祇空言紙上羣黎在念
老宜養而少宜育何能盡載
篇中謹勉步夫前塵敢邀虛

汾陽縣志
卷之八
八
譽庶有徵於信史願質大方

省

乾隆二十六年歲在辛巳仲
春之吉濟源縣知縣皖江蕭
應植撰

玉川志舊序

濟源舊有志載輯於天順七年于時事艱於創始諸
或載而未詳詳而未覈矧歲遠時遷簡帙益殘其于
世風之丕變人物之挺出文章之創作規制之鼎新
舊本弗克槩之也夫濟爲汴西首封朝宗勝槩其川
嶽靈異降生英傑若漢之四皓唐之張裴盧李宋之
三陳磊落竒偉誠有超於河北諸邑者志可弗脩脩
可弗詳詳可弗覈乎予自已未夏承乏茲土欲更而
新之以冗奪且愧才之弗逮是年莫春入覲還謁聖
會講於明倫堂因托筆於余吳王三公復分採於通